

Isku xiriirinta qosha shakhsiga (SIP)

Markaad u baahan tahay in lagaa caawiyo caafimaadka iyo daryeelka jirrada ee la xiriira xaaladdaada nololeed, ee Skåne iyo degmadaadaba waxaa laga yaabaa in dadaalada la bixinayo loo baahdo in laysku xiriiriyo. Dadaalada waxaa laysugu xiriirin karaa iyada oo loo marayo Isku xiriirinta Qorsha Shakhsiga (SIP). SIP wuxuu qeexayaa qofka mas'uulka ka ah dadaaladaas. Si SIP loo hirgeliyo waxaa adiga lagaaga baahan yahay inaad oggolaansho bixiso.

Waa maxay SIP?

SIP waxa loo fulinayaa sida shir ay dadka mas'uulka ka ah dadaalada la bixinayo ay si wadajir ah kuula qorshaynayaan adiga sidee dalaalada la bixinayo loo fulinayaa oo loo dabageleyaa. Wuxaaq tahay qof firfircoona oo ka qaybqaata qorshaha. Meesha laga ambaqaadayo SIP waa maxay tahay waxa adiga kuugu muhiimsani. Dadaalada la bixinayo waa laysku xiriirinayaa oo loo qorshaynayaan iyadoo lagu salaynayo hadafkaaga gaarka ah.

Ujeeddada SIP

Ujeeddada SIP waa in aad hesho dadaalada la bixinayo ee xaalada noloshaada aad uga baahan tahay ee aad xaqa u leedahay oo isku dubaridan. Hadafku waa in aad hesho taageero iyo caawimo si aad ugu noolaato nolol caadi ah oo madaxbanaan intii suurtagal ah.

Sidee loo sameeyaa SIP?

Marka la samaynayo SIP, dadka ka mas'uulka ah dadaalada kala duwan ee la bixinayo ayaa kula shiraya adiga si loo qorsheeyo sida loo fulinayo. Dadka ka qaybqaadanaya shirkha waxay ku xidhan tahay hadba sida ay baahiyahaagu u eg yihiin. Haddii aad rabto, waxaad sidoo kale soo kaxaysan kartaa qof qaraabo ah. Shirku wuxuu ka dhici karaa, tusaale ahaan, gurigaaga, xarun caafimaad ama meel kale oo ku habboon. Waxaa lagu siinayaa qorshaha oo dhammaystiran oo warqad ku qoran sidoo kale waxaad ka heli kartaa adigoo geleya Mina ee qorshayaasha daryeelkaaga bogga 1177.

In la ogaadaa way fiican tahay

Haddii adiga, ama qaraabadaadu, aad rabtaan inaad wax badan ka ogaataan ama aad rabtaan in laydin siiyo caawimo ku saabsan diyaargarowga, fadlan annaga na soo waydiya ama maclumaaad dheeraad ah ka raadsada bogga 1177.se

Haddii qofka laga rabo inuu oggolaanshaha SIP bixinayaa uu ka yar yahay 18 sano, markaa heerka qaangaarnimada qofka ayaa go'aaminaysa inuu qofkaas ama mas'uuliyiintiisu ay tahay inay bixiyaan oggolaanshaha.